

明
詩
紀
事

明詩紀事卷十二

貴陽陳 田輯

田輯

吳伯宗 一首

伯宗名祐以字行金谿人洪武辛亥開科廷對擢進士第一授禮部員外郎與修日厯以事謫居鳳陽尋召還奉使安南歸除國子助教改翰林典籍除太常寺丞辭改國子司業又辭貶金縣教諭召還爲翰林檢討進武英殿大學士降檢討有南宮使交成均玉堂集二十四卷

田按辛亥爲明興首科伯宗以剛直顯可謂得人是科讀卷者爲國子祭酒魏觀太常博士孫吾與給事

中李顏修撰王俱觀早朝奉天殿詩云多士聽宣魚
貫入諸侯分直雁行聯紀其事也先是有詔高麗安
南占城等國如有經明行修之士各就本國鄉試許
貢赴京師會試高麗金濤中三甲授東昌安邱縣丞
以不通華言請還本國詔給道里費送歸

題秋江同驛圖

大江瀉奔流浩蕩去不息青岑列兩岸倒影搖空碧樓高野
陰濶錦樹覆沙驛帆落天際雲人歸渡頭夕緬懷滄洲趣萬
里見秋色長嘯倚西風因之豁胸臆

劉三吾 二首

三吾初名崑後名如孫字三吾以字行茶陵人元末
提舉靖江學洪武中以薦授左贊善累遷翰林學士
降國子博士尋復學士三十年主會試坐罪戍邊永

樂中卒有坦坦齋集二卷

鄧顯鶴沅湘耆舊集坦翁以文學顯諸家紀載有謂其以罪死於洪武時者今按詩集中得告致仕過長沙詩結語云八十還家能有幾當時畫錦亦堪誇知其優游故里以老壽終諸家所記皆不確矣詩迅筆直書不暇矜鍊雖時病粗豪要有真氣至其憑弔故墟感時書事諸作悲涼沈鬱不減遺山田按學士詩有佳句殊少完篇哭伯兄存吾推官云黃甲題名前進士白頭死難古宣州湘中紀行云流水石梁迷故宇夕陽煙樹出疏鐘與先復初州判云欲涉湘江采蘅杜美人遙隔暮雲中次蔡元禮過洞庭云欲向黃陵懷帝子鷓鴣聲處雨斑斑皆可誦也

姑蘇卽事

姑蘇自王亦豪雄藩屏東南一旦空使簪爲誰歸火底俘囚何面見江東王封有愧非殊錫死去無碑可表忠粳稻祇今誰阻過海門元與直沽通

靜志居詩話學士元之故老其詩雖不中程足補
中外史當張士誠在吳海運阻遏元主以御酒
請之不得及蘇州既平學士賦詩云姑蘇自王
雄藩屏東南一旦空縷稻祇今誰阻遏海門元
沽通又云吳中既失無門戶海道長驅有舳艫
覬元之未亡其云廉藺同心如結好蜀吳異地
亡則有感羣雄之失策至云萬年圖籍來江表
琵琶度塞門斯與宋文恪過元故宮詩並其悽切矣

送龍天章歸省玉融

柏台使者開薇省幕下諸賓聚壁奎紅藥詩情灘水上白雲
親舍玉融西舊家門巷烏衣在故國江山杜宇嗁若過州城
舊廳事爲余重覓昔年題

汪叡一首

叡字仲魯婺源人元末集義旅保鄉邑明師下休甯
來附授安慶稅令徵贛川蜀軍事以疾辭歸洪武中

授左春坊左司直

予歸江左澤往四明

倚閭憐母老長路望兒歸六載眼中淚三春身上衣風高聽
雁遠天濶見雲飛海嶠連閩越鳥嘯月尙微

朱善一首

善字備萬豐城人洪武初爲南昌教授召試授翰林
修撰謫遼東教授未至放還鄉召爲翰林待詔擢文
淵閣大學士請告歸卒正德中謚文恪有一齋集十
卷遼海集五卷

田按備萬青年立朝燕享賜坐殿中與劉三吾汪啟
稱三老文章和平漫衍名雖不及潛溪華川之盛在
明初亦足名家

長短句

翁騎驢兒牽車童子荷擔相追隨風淅淅草淒淒阿兒苦寒
翁苦饑翁雖不語心傷悲吁嗟薄命當祈誰遼東雖云樂不
如早旋歸

龔敦二首

敦鉛山人元末以明經分教廣信洪武初徵爲四輔
官以老乞歸復起爲國子博士遷司業再遷祭酒有

鵝湖集六卷

田按洪武十三年戶部尙書范敏薦耆儒王本杜佑
龔敦杜敦趙民望吳源等召至命爲四輔官繼爲是
官者有安然李幹何顯周不久官廢余力搜諸公詩
其可見者二敦一吳而已史稱敦爲司業與祭酒宋
訥司業王嘉會共定學規三人年高鬚髮皓白終日
危坐堂上肅然余嘗檢訥西隱集勅建太學碑文云

上躬臨學官率諸生進拜堂下博士臣龔敦執經
是敦又嘗爲博士矣鵝湖集中佳句如眼前此景不
易得客裏好懷先自開雨昏湖口生春水天入江東
有暮雲夢熟池塘春晚後酒醒窗戶月來時殊自慙
爽

瑞洪夜泊

三月江南雨滿湖魚吹花浪鳥相呼疏燈照水夜明滅遠樹
入山雲有無水國田燒人薙草酒船風靜客携蒲柳陰不見
垂綸者卻道煙波是畏途

雜咏

越王臺上鷓鴣啼七國岡頭滑滑泥欲識故人無限意晚煙
疏雨畫橋西

杜敦三首

敦字致道壺關人元末舉河東鄉試第一除高平教諭遷臺州學正洪武中徵爲四輔官以老病歸有拙

菴集十卷

田按拙菴集明史藝文志著錄而選家多不之及余從程之珩潞安詩抄錄數首明初山右之以詩鳴者致道其間先矣致道嘗薦宋西隱爲祭酒稱爲得人常侍宴游聯句賦詩太祖特幸其私第亦可謂儒臣之榮遇矣

玉峽關

太行盤盤橫厲中原近引河朔遙綴崑崙太原大梁爲國雄
藩壺關林慮界於花園鳥道崎仄輪催馬煩怪石羅列熊舉
豹蹲連崖壁立屹如垣墉絕頂中斷是曰風門俯臨夜壑仰
逼朝曦一夫獨立萬騎空屯設險甚固王者道存迺告守吏

爰作建閣勒銘巖阿寵以瑤琨匪險在德用戒嚚昏

虹梯關

石崖攀天仄磴千迴邱隅塞明俯臨蔽羣鐵壁句連谿衍中
閑觀者駭魄行子心摧互如長虹橫絕天階彼昏者氓肆其
喧虺爰據巖險以抗震雷卒于天刑亦孔之哀太行之阿大
河之隈關門弗嚴惟帝念哉北山有石南山有材經之營之
突焉崔嵬侍臣作銘以詔後來

謝友

客遇中秋感慨生眼空節物坐茅亭長空萬古此明月故友
幾人如曉星南北連天猶戰伐衣冠何地不飄零呼童旋貰
西隣酒拚卻今朝醉不醒

吳源一首

源字性傳莆田人洪武初官興化教諭徵爲四輔官
以老乞歸復起爲國子司業有文集二十卷抱素軒
稿八卷

風雨既定星月皎然輾轉不寢有感

不眠知夜永無語覺心清慷慨思時事沈吟見物情買生愁
論政趙括易談兵家國憂方大憑誰訪老成

張兌一首

兌慈利人元進士入明官翰林院編修

天門山圖

我家三世居山國寢食嬉遊見山色去年前作京華行萬里

平原載車轍荆山嵯峨鎮南紀華嶽金精照秋水太行綿延
墜馬首北望居庸雪中峙歸來汎舟淮與江匡廬相接高崕
峒南過瀟湘望衡嶽九疑蒼梧羅煙幢此生倦遊歷艱險故
山帆棹聊遊衍今年直上天門峯始覺從前興猶淺天門洞
開雲氣通江東拔眉皆下風低昂二八若昆季意氣相傾爭
長雄清猿夜嘯霜竹折猛虎晝號山石裂風來往往神聽聞
日上時時天帚揭煙蘿敷紛薜枝垂細禽飛來如聚肥六月
仙源溪水漲中有洞府藏蛟螭可憐宜都周內史古冢纍纍
在山址感時撫景亦愴然周朴短篇焉足擬茲山冠絕平生
遊安得雲梯登上頭左携赤松右浮邱下視八極塵埃浮揚
侯此圖誰爲寫天下名山無似者他日功成期早歸相與爲

鄰住山下

王嘉會 一首

嘉會名應隆以字行嘉興人占籍松江以明經徵授

檢討遷司業

田按嘉會官司業號爲稱職詩不多見

題許士雍紫翠丹房

楊子江頭紫翠峰移家會住白雲中新居今與湖山近擬覓
刀圭訪葛洪

全思誠 一首

思誠字希賢上海人元松江學正洪武中徵爲文華
殿大學士以老致仕有砂岡集

次雲林韻寄孫君實

腐齒筆耕豈謀生與世
濩落獨高情綠尊有酒誰共醉
素琴無絃聊自橫
湘簾在鉤月當戶
羌笛惱人花滿城
幽居不知春事盡
見客只言詩未成

周湏一首

湏字伯脩上元人明初爲大理寺丞累遷至刑部尙

書

會煥江西詩徵周湏鄱陽人與李宗頤劉原善辛敬

萬石楊伯謙輩稱江西才子

田按宋景濂序劉子高詩云子高束書走豫章與辛

敬萬石周湏楊士宏鄭大同等遊五人負能詩名相與

楊推風雅劉仲修序子高詩亦云豫章萬石大梁辛

敬襄城楊士宏秣陵周湏鄭大同等以歌詩自雄子高

與之馳騁上下名聲相埒據此五人中惟萬石爲豫

產其餘皆僑寓於豫章者也列朝詩集明詩綜金陵

瑣事稱演為江甯人明史江西詩徵稱演為鄱陽人
一據其本籍一據其流寓耳子高與演交分不淺寄
詩云交友今誰在東遊最憶君清尊澄夜月綵筆動
春雲楚甸烽煙合秦淮樹色分相思愁日暮花落正
紛紛又題薛克恭金陵竹西堂歌云上元周演吾故
人別來五見桃花春昨朝卷中誦題句使我感慨懷
清真演集不傳所可見者列朝詩集數詩而已

寫江岫春晴圖

汀洲碧草生鳬雁動春聲莫上高臺望能傷送別情

田按尚書善寫山水蘇平仲題周伯甯春晴江岫圖
云尚書襟懷絕瀟灑揮毫往往凌董馬平生一筆頗
自珍數尺新圖為君寫吳友雲有題伯甯江山送別
圖詩劉子高有題伯甯梅谿圖詩又贈曾沂畫山水
詩序云上元周演伯甯以翰墨名品重當世會生及
門而受益焉余徧檢紀明一代畫家者無尚書名當
據此數詩以補其缺

滕毅一首

穀字仲弘鎮江人太祖征吳以儒士見授起居注吳
元年出爲湖廣按察使洪武初攝吏部尙書改江西
參政

三閭大夫祠

簷帷褰薄暮迴飈吹白雲下有栖神宇慘淡臨江濱行吟旣
不返遺響甯再聞綠榮并丹綵婉爾含清芬沐芳正冠佩酌
水炷夕熏長歌靈谷應春思何紛紛願言卜瓊茅巫咸不可
羣渚宮望儀羽再拜雲中君

楊訓文 一首

訓文字克明潼川人元淮海書院山長明初徵爲起
居注歷左司郎中太常卿出爲湖州知府改知汀州

擢禮部尚書改戶部出爲河南參政

采石

騎鯨仙人海上歸至今草木猶清暉
千山落日送樵笛萬里長風吹客衣
春空蛾眉浮翠黛夜光犀渚沈珠璣
神遊故國應過此高冢臨流知是非

一作滕毅詩

李質二首

質字文彬德慶人元末爲何真府掾
洪武初歸附授中書斷事改都督府
斷事擢刑部侍郎進尚書尋出爲浙江
參政以老召還京師復起爲靖江王相
坐法死有樵雲稿

田按文彬身丁元季海水羣飛集兵保障鄉里援攬
士類名士客嶺南者茶陵劉三吾江右伯顏子中羊

城孫贊建安張智皆往依焉宋景濂所謂薦紳之勝
流岩穴之處士驩然稱李公也其死也贊有詩挽之
云相國靈輿閱九京桓桓松柏表佳城風雲已際興
王運雨露偏傷孝子情一代文章遺竹簡千秋彝鼎
勒勲名平原賓客今誰在獨瀉椒漿帶淚痕

遊西湖與徐都尉分得香字

輕雲閣裏弄春光湖水湖山引興長
荷帶漫繁春浪細宮花初試越羅香
荷杯擎露鮫人泣翠葆掀風海樹涼
好傍綠陰維畫舫高歌白紵送清觴

過揚州

三十年前記此過皆春樓下駐行窩
十千一斗金盤露二八雙環玉樹歌
自昔瓊花祠后土至今荆棘卧銅駝
江都門外王孫草怨入東風綠更多

韓宜可

一首

宜可字伯時會稽人洪武初薦授山陰教諭改楚府
錄事擢監察御史出爲江西按察僉事坐事免復徵
至京授山西布政使謫安南建文時起雲南參政入
拜左副都御史卒官

即按伯時官山西布政時以事安置安南建文帝卽
位用檢討陳性善薦起雲南參政列朝詩集明詩綜
均云謫雲南誤矣

題蓬萊深處

聞道蓬萊別有春五雲深處隔凡塵松迷鶴逕
渾無路花暗簫聲不見人滄海日華翻貝闕三
山霞氣逐瓊輪劉郎自是神仙侶何用天台更
問津

張籌一首

籌字惟中無錫人舉元浙江省試第一洪武初以薦授翰林應奉改禮部主事出爲湖廣參政擢禮部尙書坐事罰輸作起禮部員外郎尋復尙書
田按惟中七古有氣概餘詩多不入格

劍石歌

千將飛空化爲石石耶劍耶誰復識陽文蘊秀墨色古陰纒積潤苔花碧卻疑女媧補天時手斷鰲足爲立極風霜剝蝕綠龜紋鬼神撝護蒼龍脊東吳南越事已矣何物君家乃有此好奇笑殺白猿公有道終歸赤帝子日出遙瞻殺氣凝雨洗似聞妖血腥煅煉不資爐鞴力胚胎自是陰陽精鳳山見

之三太息至寶恐爲豪者得翩然作歌頌其德神物揮霍生
顏色我能爲爾礪鋒鏑發爾幽潛使昭赫出掃妖邪扶正直
莫令良善相戕賊慎勿立此空庭側

黃肅 三首

肅字子邕建昌新城人元季官禮部主事明初歸附
命仍故官擢侍郎降工部郎中復擢侍郎進尙書出
爲廣西參政坐黨禍死有醉夢稿

田按明初新城稱詩者劉子憲黃子邕二人皆長於
古體王忠文序醉夢稿云子邕斥漫衍以爲簡屏華
縟以爲質黜奇詭以爲平易華靡以爲實殆幾於古
可謂知言

長相思

望歡城南頭覽取別時路路上有深井井上有雙樹樹有東

西枝枝葉盡相附去年東枝榮今年西枝悴年年望樹枝樹
發行人歸

寄劉紹

城南劉子憲來往卽吾家連榻書樓小鉤簾石壁斜金圓霜
捧橘冰碎夏分瓜苦爲吟詩癖更闌更煮茶

田按明音類選稱劉子憲吉安人竹垞詩話云胡子
申爲子憲作山居十詠其三曰仙臺山在新城三十
里子憲非吉安人審矣此詩首二句城南劉子憲來
往卽吾家子憲子邑皆新城人尤爲確證

明日知何地杉關十月天遙憐五載隔不見一書傳簌蕩聞
邇海艱難愧客燕幾時歸碧澗相對看紅泉

劉紹十八首

紹字子憲以字行自號緯蕭野人建昌新城人洪武

初官翰林應奉詩載元音遺響

田按元音遺響十卷前八卷南城胡布詩後二卷南
城張達及子憲詩也布字子申達字季充皆以隱居
終惟子憲入明曾通仕籍提要云三人皆元遺民緣
編輯者既題元音而子憲在明初名不甚著故誤稱
遺民耳建昌志及徐泰皇明風雅皆云官翰林應奉
明初江右詩家首推劉子高如子憲者正可雁行子
憲五言風骨勁特蓋與胡張生同鄉曲雅志復古觀
于申與子憲論詩文云黃口至白髮鼎鼎鳴文章
廖古之人濡沫批與糠既無卓爾見難局升斗量披
竊月下露餘已如風雷翔翹首故取稱聲求方留
每下萬人足未踰一邦師學無從來反規以求方留
難譏苦澁陳腐如聲香烈三篇王風華鴻龐五
言一起漢魏己泄大雅莊文子炳秦漢六代弊流唐對
偶一相諧理趣因隨亡況事尖麗問委曲叶宮商言
新意不續道失語徒狂樸素輕典型巧薄高飛揚稍
無效顰恥安受時譽光我欲竟此曲悲且長枉
君陳矢辭端竭世儒行越嚮既高宜其詩之不蹈凡
近也

秋懷

高步視六合河山邈悠悠浮雲西北來慘淡增我憂世乏稷
卨儔皇皇將焉求乾坤妙闔闔元氣浩不收經綸信有待明
哲奚淹留自非遺世士何能守斯邱

雜詩示宰獻

日暮懷所思涉江采芳澤飄飄蘭蕙花春氣滿南國如何同
心人言笑千里隔采之不成遺中道寘愉懌淒風忽悲鳴鴝
鳩聲惻惻恆恐芳意摧榮華不常得

送王潤之官陝西

遠宦入秦關鷄鳴肅征袂咸陽秋莽蒼古水咽清渭登臨盼
形勝立馬慨興廢落日照終南行人在空翠淒涼鄉國念慘
淡遊子意孰和莊舄吟遐思渺天外翳余契金石惜別勞夢

寐何所更持情臨分乏瓊珮

送李端甫歸覃懷

典教出中州趨庭憶河縣長波瀉天塹掛席過淮甸游雲澹
飛雨碧樹鬱蔥蘢豈不煩爾思臨衢極深盼繁華貴知止道
養沐殊眷日暮念遊方升堂慰情戀論交我無晚結分誠婉
變悵望王屋雲懷人夢中見

鍾山曉晴圖爲尙書生陳宗進賦

靈崖多幽姿朝日射翠微丹黃冒其頂絳氣蔚以彌璨璨梵
王宮朱甍儼崔嵬雲光發天藻綴戶分陸離遐瞰極鴻濛元
和囿天倪瓊英灼三秀玉樹交春萸我願酌石髓駕言候安
期天門正鳴鳳翠翠梧桐叢

涿州

抱介恥儼媚離光滋慨慷叩闔道無由惻惻辭帝鄉寒冬百
卉腓驅馬踐嚴霜晨過涿鹿城驚飆恍沙場息徒用稅駕遐
眺臨空荒羣山從西來千里橫青蒼倚劍事悲咤令人憶軒
皇蚩尤今則無戰伐何茫茫落日笳鼓發連營旌旆揚吾行
竟何之流止嗟殊方

真定城

客行抵燕南獨夜車軋軋斜月耿流光繁星動天末逶迤出
深壁彷彿見城闕擊柝接耳聞哀笳向晨發維時重圍解二
鎮兵禍結吞噬徇乃私邊隅忍流血防虞此何謂國恥殊未
雪感此竟惘然悲歌激林樾

淳沱河

夙駕違鎮都客行有前期蓬飛歲將晏恨恨臨高岐長河動
我前夾岸流水漸需次向晨渡馬鳴遊子悲天寒野無人世
梗道路疑豈無故鄉懷辛苦曷得辭貧賤本吾分險艱庸自
持嗟哉雲臺勳千載今得知

磁州市

高原黯平蕪霜重日色死客懷增悲辛行邁日靡靡汾陽跨
邢衛雞犬接閭里隱賑富人煙魚鹽喜成市岐亭向朝泊接
浙事薪水貰酒慰我徒停驂縱遐視側聞西州事骨齒莫相
倚列戟滿潼關并吞詎能已

鄴下述懷

殘壘宿歸雲。鴉鳴滿長洲。驚風日夕起。倒捲漳河流。借問客
遊子。蓬飛幾時休。沙塵暗長淮。風雨迷舊邱。獻業不得意。征
車曾少留。此邦古名都。控帶綿西州。井竈列萬家。甲兵當戎
蒐。以守足固禦。以功代先謀。在昔雄武人。憑城逞英猷。蟻封
曹瞞塚。塵滅高歡樓。陳迹竟已矣。登臨眇予愁。

清化鎮

驅馬出衛郊。羈離嘆流冗。窮冬天雨雪。所歷涉深恐。茲晨過
名鎮。井屋河山拱。天外見戍樓。雲旗晝飛動。江淮事綿邈。關
陝勢奔洶。大厦孰得夫。寺製百千孔。妻因面重朴。上庖驚鳴
寵。行矣拂青萍。悲風鼓余勇。

福昌塞在宜陽西

峭屨通宜陽中條勢聯絡嶄巖福昌寨岡阜相倚薄上平行
千畝下瞰延清洛喪亂設重關哀笳聞鳴柝我行愧口歲憑
覽感今昨秋色滿南雲寒聲殷寥廓蒼茫嵩潁思寂寞采芝
約孰與濟時難含凄嘆淹泊

河南露寶寨近嵩州鳴皋地

搏壁上層峯乘雲躡天關風濤鼓羣有九野何漫漫二氣無
端倪陰陽自循環河山拱中區萬古情不刊而我一粟微覽
之意茫然天地則瘡痍風塵靖荆蠻連山黯巫衡殺氣迴飛
翰感往豈不感悲來愴朱顏

宜陽洛南山二十里至楚家莊

洛陽多青山走勢連二室幽林石龍從谷轉峯峴鬱我行觸

奔突登頓迷徑術，洄溜發岩光。寒陰籠白日，況聞避地人。陶
復相比密，喪亂各因依。偷生餘餽飢，兵戎幾時已。撫事傷憫
質，山空颺颺號。石裂蛇蟠出，豈復慰曩懷。行行悵如失。

落雲軒

華頂拂秋影，陽林澹初暉。山雲落層軒，爽氣吹岩霏。默爾契
心賞，橫琴當翠微。飛蘿結松暝，雨色涵清池。信美子雲宅，載
醪將問奇。

題畫

嘉禾結繁蔭，山房抱秋陰。開門白雲入，爽氣吹森沈。惆悵飛
羽夕，清歌對孤岑。誰與賦招隱，興發邱中琴。

江風山月亭

華月上蘿壁江風澹疎櫺金波泛遙渚長夜秋泠泠蕭瑟瀛
海思悲歌緬雲屏無彈五十絃恐有蛟龍聽

送李成還山西省詩

馬首去離亭西行幾日程山圍潞子國雲接太行城驛道秋
花白沙津候雁鳴到家晨省日應悉未歸情

明詩紀事卷十三

貴陽陳 田輯

甲籤

袁凱 二十首

凱字景文松江華亭人洪武三年舉人薦授監察御史以病免歸有海叟集四卷

何景明大復集我朝諸名家集獨海叟詩爲長叟歌行近體法杜甫古作不盡是要其取法亦必自漢魏以來者其所造就蓋具體而未大耳陸深金臺紀聞國初高季迪與袁海叟皆以詩名而雲間與姑蘇近殊不聞其還往唱酬若不相識然何也都元敬嘗道季迪有贈景文詩曰清新還似我雄健不如他今其集不載是詩元敬得之史鑑明古史得之朱應祥岐鳳岐鳳吾松人以詩自豪於一時爲序在野集者其事雖無考然兩言者蓋實錄云國雖袁侍御景文才情道我往往有奇語尤閑于詠

物其題白燕間笛頗為時口膾炙

香祖筆記明初詩人共推高季迪為冠而大復獨以

海叟為冠空同許為知言今讀其詩古詩學魏晉近

體學杜皆具體而微耳連蹕之清邱生之列未免失

倫明詩別裁李獻吉謂海叟師法于美何仲默謂歌行

得杜之體鄙意傷於平直未極變化若七言斷句在

李庶子劉賓客間青邱孟載俱未及也

田按孝陵嚴切海叟以權請免幸矣大雅集錄海叟

蚊詩云羣蛇戢戢方門爭蝦蟇蟻蝻相和鳴百足之

蟲行無聲毒氣著人昏不醒蚊蚋雖微亦縱橫隱然

如雷吁可驚東方日色苦未明老夫閉門不敢行蓋

元季傷亂之作何元明四友齋叢說引為譏切太祖

亦附會之過也海叟詩骨格老蒼摹擬古人之冠過為

肖亦當時一作家何大復標為明初詩人之冠過為

溢美宜諸公之不取也

下直懷北山隱者

載筆侍雲陛向夕始餘閒撫彼清冷觴慰此憂戚顏出軒月

纔臨街露已繁廣庭行且止修檻去復攀幽樹靄深翠餘

花發微殷俯仰不知夕星漢忽西還歸來空房卧嚴城漏欲
殘鴉鳴九井動劍佩亦珊珊將隨夔龍後祇肅謁重關緬懷
息心侶遺世在雲山焉能從之去逍遙巖桂間

遊西墅

吳王逐獸地土衡聞鶴亭古人不可見荒原今獨行遺堦儼
若存阡陌復縱橫依稀望極浦迢遞盼春城江樹旣晦靄原
花復晶熒長煙覆漁屋白水亂鳬汀山川豈云異人事有消
停卽此傷往時聊復樂其生寄言後來士此理可自明

池上二首

秋池行樂去池樹色已暝露下夕衣涼月上風簾靜饑禽墮
疏竹鳴蛩出深井夜久人事息蕭然諸念屏

振衣書齋客逍遙池上步林隈薄霧起石隙幽泉度鷗迷夕
樹返魚觸秋荷去清聲水上來欲去更延伫

偕友人早出郊

離羣寡游豫得朋殊繼綬相將度春水散漫入芳甸班荆煙
乍斂摘花露猶泣林鶯坐未出沙鳥飛還見遙山浮空翠晴
雲曳輕練一聽野人言復起滄洲願

觀朱澤民所畫山水有感

朱公畫圖愛者衆聲價端如古人重王卿鉅公數見尋往往
閉門稱腕痛我時挾冊遊郡城朱公愛我詩律精時時沽酒
留我宿共聽西窗風雨聲清晨起來忘洗盥短衣飄蕭臨几
案大行中條眼底生岩岫冥冥氣淩亂禹鑿龍門疏洛水根

入黃河源不斷南及衡陽抵桂林東入會稽連海岸是中巖
我一畝宮正如浮萍在江漢溪流洄洄石齒齒夾岸桃花途
遠邇原頭煙霧散雞犬屋裡詩書雜童穉扁舟遠來知是誰
豈是昔日鴟夷皮五湖蝦菜殊可樂千古功名何足奇只今
四十有三載公竟不歸畫圖在世間好手豈易得終日紛紛
勞五彩感時念舊心獨苦況我頭顱白如許呼兒捲卻不忍
看白髮高堂淚如雨

贈張鳴善

白帝城中客清秋碧海旁乾坤方洶洶身世獨遑遑萬里空
形影全家墮虎狼悲歌三百首一一斷人腸

春日偶書

龍官御史府屏迹五湖東江水供漁釣山花費酒筒野情方
浩蕩高論入虛空明日春田事還尋荷篠翁

江上早秋

靡靡菰蒲已滿陂菱花菱葉共參差卽從景物看身世卻怪
飄零枉歲時得食野鳥爭去遠避風江鶴獨歸遲干戈此日
連秋色頭白尤多宋玉悲

南村

南村煙樹接蒹葭白鷺翩翩滿白沙此地遂成茆屋計何人
更識老夫家卽聞斷簷行新竹便接平臯樹雜花戎馬紛紛
終未已此身泛泛獨長嗟

寓所

草閣聞庭春水邊雨蒲風柳自紛然隣翁對客還爭席水鳥
依人欲上船西北朝廷無使節東南城郭自烽煙老夫避地
非遊說正少蘇家二頃田

次楊廉夫先輩韻

吹笛春江煙霧稀幽芳小草總相依巫峽寧知雲雨夢滄州
欲拭菱荷衣花閒鸛鶴迎人起波上魚龍挾棹飛不似南州
庾開府鄉關頭白苦思歸

白燕

故國飄零事已非舊時王謝兒應稀月明漢水初無影雪滿
梁園尙未歸柳絮池塘香入夢梨花庭院冷侵衣趙家姊妹
多相思莫向昭陽殿裏飛

楊儀驪珠雜錄常熟時大本賦白燕詩云春社年年
帶雪歸海棠庭院月爭輝珠簾十二中間捲玉剪一
雙高下飛天公侯誇紫領國中傳侶尙鳥衣江湖
多少閒鷗鷺宜與同盟伴釣磯錄呈楊鐵崖鐵崖
稱珠簾玉剪之句袁景文在坐曰詩雖佳未盡體物
之妙廉夫不以爲然景文歸作詩翌日呈之鐵崖擊
節歎賞連書數紙盡散坐客一時呼爲袁白燕以此
得名

靜志居詩話海叟居松江府治東門外崇禎末單麻
城恂卽其址構白燕菴李舍人待問書聯於柱云春
風燕子依然入東海鰻魚不可尋相傳孝陵有言東
海走卻大鰻魚何處尋得爲海叟而發也
王士禎漁洋詩話松江有白燕菴海叟故居也康熙
丙戌門人周策銘寫其遺集和寄余感而題之云鼎
足高楊爾不慙百年遺蹟改名藍鳥衣王謝俱零落
七字風流白燕菴

京師歸至丹陽逢侯生大醉

白下西風吹夜涼五湖秋草著微霜千家砧杵初淩亂獨客
關山正渺茫歸去定應殘臘盡飄零猶幸此身強丹陽郭裏

盈樽酒且爲侯芭發醉狂

懷曾彥魯

不見曾公白髮侵酒杯
碁局最關心年華冉冉情何限
江海悠悠水正深
欲買小舟隨雁去便從幽壑聽龍吟
聞其恆往來龍井
明年春滿長洲苑
拄杖穿花處處尋

題吳王內涼圖

微月斜侵響屨廊
芙蓉清氣滿金塘
鴛鴦只傍闌干宿也愛
君王水殿涼

日莫卽事

茅屋秋來破不勝
野雲沙樹自層層
老夫生理今拋廢
日日江潭去採菱

江上寄書

湖南估客發西津
東入姑蘇花正春
獨有相思數行字
欲從江海問情人

贈歌舞女童

漳河女子薦良童
名在先朝樂部中
記得教坊新隊子
江南江北舞春風

瓜步夜泊

千里長江雨乍晴
江頭燈火夜深明
爲報高樓莫吹笛
故園東望不勝情

蘇伯衡 七首

伯衡字平仲金華人
明初爲國子學錄
遷學正被薦

擢翰林編修辭歸洪武十年學士宋濂薦以自代復以疾辭後爲處州教授坐表箋誤下吏死有平仲集

十六卷

田按平仲以古文鳴宋景濂送平仲還鄉序云平仲辭章體裁嚴比姿態橫逸如春陽被物或根或莖或并或條或云司馬溫國公光資治通鑑成一家言宋之同者又云宋有李燕雖嘗著爲編年異同之論皆並後元承之宋有李燕雖嘗著爲編年異同之論皆並存之蓋不敢當作者之任元史新修十四朝之行事亦頗粲然可觀有能蒐錄以續司馬之書者將不在今日乎平仲學術富而辭章美其東還也將操筆削而成百代不刊之典其爲老輩推重如此平仲之官學錄也在丙午七月吳元年丁未進學正見所作國子學同官記其被薦在洪武元年庚戌集中有庚戌七月九日晴時御筆宣喚詩云元霜灑騷動龍香水殿書題愛晚涼蟻虱小臣惟感愧伏聆天語金匱抽明日入見奉天門口號云玉階俯伏聆天語金匱抽書亦許陪又明日詣相府控辭述懷云只緣多病兼無似只合山林送此生並引見後援編修即以病辭

也其官國子前後五年胡仲子跋平仲集云平仲居
太學六年提要疑為史誤余詳檢本集蓋仲子誤加
一年史不誤也集中又有被留校讎元史史館雜書
詩云筆削自從尼父後文章無過馬遷優坐銷官燭
知無補絲絡翻慙進庶羞蓋辭官後又被留史館至
明年始得還也平仲夙懷恬退連雨雜書詩云決去
胡不早無營尚盤桓東齋夕書詩云偶臨孤鶴行時
見疎螢度即此有餘歡何況山中去厥後景濂薦以
自代力辭還山二十一年聘主會試後辭還尋授處
州教授以表箋忤旨下獄死二子恬怡救父並被刑
覆巢之下安有完卵其為斯人言哉平仲集十六卷
詩僅一卷非其所措意而澤古既深風格亦自蒼舉
其他著述無間集本近亦罕見余假之江陰穆氏雲
在飛

送宋起居還金華

長揖謝宦徒還歸戒征軸眷言幽貞虛奠在仙華麓就養望
既盈考槃願亦足儲清潄昔池雍荒理舊竹蘭佩紉春蕤荷
衣製秋絲沆瀣晨三嘯彫胡蠶九曝從今猿與鶴不復怨幽

獨

連雨雜書

江雨殊未已江風生早寒今我悄不樂喟然起長歎決去苦不早無營尙盤桓徒貽父母愁歲晏衣裳單

東齋夕書

幽居得自怡野性方愜素高枕一酣眠長廊獨閑步白日誰云長青山忽已暮皓月照前階涼風滿高樹偶隨孤鶴行時見疏螢度卽此有餘歡何況山中去

贈徐季子

百金不惜市梘鞭兩耳不解聽朱絃人情如此亦何以我每見之獨慨然夫君懷寶起浙右掉鞅觀光來日邊夙學人言

破萬卷新製我喜窺幾編金莖玉露足秋爽林花澗草爭春
妍紛紛牛毛豈不多振振麟角爾固專摘藻詞垣翻舍置採
芹鄉泮仍留連所好者竿鼓者瑟猶柄以方鑒以圓陳平丰
姿若冠玉酈生辯口如河懸禮意殷勤日三接華貫敷歷歲
九遷由來利鈍係遭遇未必愚智殊天淵樂育菁莪亦已重
況乃桑梓敢不虔去國不賦北平什還家徑上東吳船大材
小試吾竊歎冷官不厭子乃賢審予閱世倏四十守官太學
垂五年包羞待問成倚席畢景兀坐寒無甞勳業空期蠟附
驥俛仰卻笑夔憐蚿彼哉浮榮勿復道歸歟樂事言難宣會
稽雲門最胸絕鑑湖剡水交漪漣玄猿嘯呼山近屋白鳥明
滅江吞天雲閒往往得靈藥月下時時聞采蓮多暇應爲曲

水會乘閒便作東山眠村翁溪友總愛客
蘇芽尊菜不計錢
酒酣更斫銀絲脰章就還灑蟬翼
賤並遊只許鐵冠子同載
應懷玉局仙願言留榻以相待一曲擬乞君王前

贈王彥和檢校還北平四首

錄二

拜表趨丹闕承恩宴紫宸羽儀江左彥
簪紱幕中賓玉液金盃出瑤筵
錦瑟陳轅門思贊佐迴轡敢逡巡

乘傳歷長途封接魯墟頻年經戰鬥
幾處遂耕鋤小市尊多酒貧家飯有魚
重來朝覲日爲報玉階除

田按彥和名銍處州人與兄鍾一母同乳而生鍾字彥中早卒劉伯溫爲文以哀之彥和與修元史附見明史趙彥傳史不詳其仕履余錄高季迪贈彥和赴檢校北平詩僅詳其授職耳今錄平仲詩復檢平仲文集有送王彥和序云彥和儀觀甚偉於書無所不讀弱冠借其兄彥中試於鄉不中卽棄去作爲古歌

詔入史局纂修元史比史成北平之命下高君季迪
率朝之摺紳賦詩以華其行而余序其簡首彥和爲
宋給事中信之後家有槐堂劉伯溫爲之賦詩云晉
公庭上三槐樹千載流傳是德符今日耳孫思繼述
昔年手澤歎荒蕪當窗欲看屯雲葉夾徑先栽待雨
株會見枝頭金粟蕊秋風吹送上天衢余於前後史
局諸公無詩可採者必詳其事蹟平仲又有夏尙之
太史哀辭序云我師克燕拔其知名士赴南京太史
夏君以老病乞歸會遣使分道搜訪元史乃強君如
江廣君辭不得命乃行行至番禺以疾卒君名以忠
字尙之袁州人據此則夏君又續修庚申君史分道
採訪十二人之一人矣

送蔡思賢參政使蜀

清晨旌節三川去今日車書萬里同燕餞都亭來詔使傳驂
鄉井訪鄰翁峯經迴雁邊聲靜峽入嘯猿樹影空昭烈祠西
諸葛廟秦州城北隗囂宮神交露立蒼茫際長嘯風生感慨

中毛伯昔聞周上介隨何今見漢明公布宣德意相如最藝
括山川太史工河隴從茲兵不構輶輶止去路相通庭充橘
柚陳方物歌聽巴渝識土風最是多情江漢水直隨歸棹到
江東

田按思賢名哲武昌人丙午夏主明昇遣使來聘太
祖使思賢報聘論曰蜀使者多飾浮詞誇大其國徒
取人不信汝至蜀慎無效此其敢行也同朝多有贈
詩詹同文詩云東吳霖雨佐西蜀將星明水落黃牛
廟雲開白帝城邦交修玉帛賓禮會簪纓陸賈無裝
贈楊雄有賦名詞源流映水詩筆發天聲邱竹臨風
看巴船載雪行錦官談舊俗金節促歸程聖主龍顏
望慈親白髮生鳳池邀閣老馬首出郊迎

童冀二首

冀字中州金華人洪武丙辰徵入書館出爲全州教
官遷湖州教授調北平坐罪死有金華南行雪川北

明詩紀事卷十三

九

遊等集合爲尙綱齋集五卷

四庫總目童冀在明初與宋濂張羽姚廣孝相唱和詞意清剛不染元季綺靡之習雖名不甚著而在一時作者之中固亦足相羽翼
胡翰仲子集陶徵士高節非晉宋人比故世慕之章應物之擬作蘇子瞻之和篇往往不絕中州是集蓋兼取二家而寤寐乎柴桑栗里之間可謂好之篤而思之精
田按中州金華城川十詠序云洪武丙辰冬忝徵至京明年而職教全湘派大江西上五千里是嘗爲全州教官矣集中零陵水車行贈丹崖隱者等詩皆此時作也次行公約看杏花詩云往年爲客上湘水萬里不異僧行脚東還蒼雪又十年日夜思歸歎蕭索蓋官湖州教授者最久故云蒼雪十年也張來儀爲中州題畫詩云吳興博士今鄭虔故山未歸雪滿巔今年召對席屢前蒙恩親賜水衡錢蓋職教湖州時曾初京賜錢遣歸也集中擬古詩云我生七九年始識廣莫風則選北平教授時年已六十三矣中州前和陶詩胡仲子書其後錢牧齋云蘇平仲書其後余檢平仲集無此跋疑牧齋記誤也後和陶詩獨菴少師跋云中州才力老成學問淹貫其和詩如蘭扣泉

決畧不見其艱窘又奉答中州詩云金華先生老而
逸欲作山中看花客客寄來長律冰雪清往往丁寧看
花約深致推挹金華明初作家林立往往以古文擅
長若中州之詩與數子角立於壇坫之間當亦不多
讓也

讀山海經

西極有玄圃東溟聞丹邱駕言往從之道遠孰我傳神仙不
可見弱水無安流不如返故居何事空遠遊
人生無百年口腹累甘旨甯知園邱上乃有人不死赤泉亦
甞飯生草信不履寡欲可長年大藥何足恃

申屠衡 二首

衡字仲權大梁人徙居長洲洪武三年授翰林院修
撰謫濠有扣角集

楊維禎西湖竹枝集仲權少貧恥爲商賈胥吏之習
銳志經史善屬文然爲時經生而兼工詩翰度越流
輩時論難之其擬詞云青鎖春閒漏點遲博山香煖
翠煙微隔簾誰撼金鈴響知是花閒燕子歸可以列
才子之林矣
田按仲權鐵崖弟子洪武三年被徵草諭蜀文稱旨
授翰林院修撰以病免旋謫濠作爲詩歌號却角集
貝廷琚稱其大篇短章和平古淡無哀傷怨懟之辭
庶幾知命者詩沿鐵體流傳不多

西湖竹枝辭

白苧衫兒雙髻了望湖樓子是儂家紅船撐入柳陰去買得
雙頭茉莉花

春去春來愁別離淡妝濃抹妬西施只今五斗青螺黛留待
郎歸卻畫眉

張昌一首

昌字思廣臨汾人洪武初官國子助教

田按思廣與貝廷珙趙本初錢子予劉子憲同官國學推爲一時之選其罷助教歸也廷珙作文贈其行稱思廣學足以相資言足以相發暇則與同輩出白下門登鳳皇臺倡和成什皆推思廣爲冠惜詩不多傳不足見所長也

送李廷芳應察公辟

太行山下陣雲高破賊先登氣自豪全晉無人居險要西秦有客度洪濤關河形勢歸吟藁天地經綸入戰韜知己柱臣今郭李功名咫尺冠諸曹

鮑穎一首

穎字尙發歙人明初以薦授博士廳典籤遷翰林院編修擢修撰出爲耀州同知坐罪死

田按向發以詞臣屈從鍾山帝御擁翠亭給筆札賦
詩時同賦者朱升張以宵秦裕伯單友中李某鐵冠
道人也楓林翠屏有集行世餘者無詩可採余於程
墓墩新安文獻志獲初裴詩一篇尚裴出知耀州高
季迪賦詩送行云鑿坡初罷直西去惜離羣載筆唐
供奉襄惟漢使君濁流河驛雨高樹嶽祠雲公暇應
懷古登臨賦夕曛尚裴政績頗有可述死非其罪唐
梧岡有文紀之

書師山先生所題黃山崖石後

蒼崖百尺與雲齊徵士重來爲品題姓字一時通漢史文章
千載並浯溪春深莫遺莓苔沒日煖應添紫翠迷猶憶匡廬
當日事短檠山雨五更雞

王立中

四首

立中字彥強長洲人以蔭授開化尉元末知嘉定州
遷松江知府吳元年歸附攝松江知府有稗齋寓齋

辨隱三集二十卷

西湖竹枝集彥強少年做達浚物晚刻節厲行能以
門蔭公子爭秀於作者之林
田按實錄吳元年大將軍徐達攻蘇州遣元帥楊福
參謀費敬直論松江府守臣王立中以城降達令立
中就攝府事既而上命荀玉珍代之高季迪送王太
守遷雲間詩云男屠猪羊女醺酒共禱神祠留太守
太守今年遷大州除書已下誰能留兩州相去無百
里失君應愁得君喜安得如君數十人一時盡福東
南民又有送王邑長彥強詩云雨昏沙溆兼葭溼離
人暮逐江鴻集田家迴首隔村遙煙路遙迤一帆入
縣齋明日寫秋吟古城高樹清砧急彥強生三子璵
字汝器璵字汝玉璵字汝嘉璵吏部主事璵璵官翰
林璵最顯

西湖竹枝詞

孤山梅花開雪中恰似阿儂冰雪容不學畫橋南畔柳春來

容易嫁東風

湖山堂前密雨飛
蘇公隄上行人稀
喚郎扁舟早同去
春泥日晚汗郎衣

絕句

春波橋頭柳似煙
越王城郭在西邊
我家遶屋皆春水
盡日鴛鴦隨釣船

梅粉凝嬌不肯添
晚雲籠暝壓重檐
江南可是春寒甚
十日東風不捲簾

林公慶 一首

公慶字孟善處州人明初官翰林出爲松江知府

長沙

定王臺上關中土
西望長安多白雲
賈誼才高空有賦
河間

博雅更無聞

張率 一首

率字孟循廣信人吳元年徵知嘉定州有張嘉定集

錢塘懷古

南渡諸陵玉桺灰錢塘孤塔是幽臺石麟久向雲根沒金雁
何曾海上同搦漢赤眉因世亂賓周白馬自天來沛中王氣
非陵寢徒使遺民過客哀

田按楊瑀真珈掘宋諸陵哀帝后遺骨瘞於杭之故
宮築浮圖以壓之號曰鎮南陳剛中鳳凰山詩云浮
圖百尺聳亭亭落日鴉號野蔓青
詩云劫火不燒楊瑀塔怒風還激伍胥湖孟循此詩
與二作同一酸楚陳寢兩山墨談云子開楊禿所營
浮圖凡三經雷震最後乃焚其金裏之尖頂若瓠壺
者考鎮南之跡元人謂在杭之興元寺故宋大內
也今杭之鳳山門外雖諸寺俱存然不知何者爲興

元意者國初修復城隍之際有識者惡之特剗去之
耶

包尼授一首

尼授一名聖字師聖江陰人洪武初以明經辟授岳

州同知有鶴洲遺藁

田按永樂中朱紹輯高季迪楊孟載與師聖詩爲三
先生集師聖詩不逮高楊遠甚紹爲師聖外孫欲私
其外祖耳

登岳陽樓

江通巴子三千里雲鎖湘娥十二鬟爲語遊人莫吹笛潛龍
淵在月波灣

涂穎 三首

穎字叔良進賢人明初授中書典籤遷太常博士

田按黃庸之遊金陵與叔良及朱文昭倡和文昭詩不可得見叔良七言斷句頗有風致

題山水圖

憶昔灤陽八月歸北風吹雪灑秋衣
槍竿嶺上停車望萬木蕭蕭落葉飛

上京次賈待制韻

竹宮窅窅秋風晚芸閣沈沈晝漏稀
獨有蕃僧承認寵紅衣白馬退朝歸

閤山雜咏

露盤直瀉上池水玉桂高搖碧落煙
雁宕匡廬甲天下無人來看第三泉

朱逢吉

一首

逢吉字以貞崇德人洪武中官大理寺丞

題雲林畫

昔年來看墨池鵝風雨扁舟載酒過一自春歸清閨閣幾番
蛛網落花多

金網一首

網字子尙嘉興人元季舉鄉試洪武初知蘇州府以
請減賦額賜死

小集南湖分韻得猶字

妖狐叫夜澤機槍照神州大地無完郭人血當川流四塞失
危阻況乃此平疇林垌盡野火園榭爲荒邱奔竄竟何所進
退徙夷猶不有良守牧何以得依劉仰面見明月清光似君

侯既照我心曲還慰我離憂

涂幾 一首

幾字守約又字孟規宜黃人有涂子類彙十卷

戎王出獵圖

九月遼陽草正黃天山飛兔白如霜
驍騰已合三軍勢猛銳猶思百戰場
金鼎割鮮供上將玉甌和血飲名王
燕支小隊穹廬出也向天邊獵雁行

鄒矩 一首

矩字元方宜黃人洪武初以儒士薦授南城訓導有集

雲關嶺

朝從雲關遊暮向雲關宿仙人駕雲車遺我雙白鹿誰吹紫鸞笙清響在林谷

吳彤 二首

彤字文明臨川人元進士除贛州錄事明初以薦授國子博士同知嚴州終北平按察副使

峽口晚泊

翠壁隱殘照滄洲生夕陰鷗鳥忽飛去幽幽春水深
日落潭水綠松閒聞子規征途一萬里江月每相隨

明詩紀事卷十四

貴陽陳田輯

明鑑

徐一夔二首

一夔字大章天台人徙嘉興元末建甯教授洪武二年徵修禮書三年書成授杭州教授六年與修日厯書成將授翰林院官以疾辭賜文綺遣歸有始豐類

稿

至正庚辛倡和集補傳大章博學善屬文危大僕在元時嘗言於朝授建甯路教授元末避兵於郡之白苕里育屋三四楹牖外有大柞因作獨柞軒記以見志錢塘潘時進題一詩曰蕭酒幽軒水面開軒前老樹倚雲栽閒來扶杖過三市醉後支頤看百回風雨微龍化去雲霄常聽鶴飛來結鄰擬共榮枯事遮

莫人知是散材

田技明初以考禮徵者如楊維禎王錡張宣朱右魯

淵錢宰林弼劉儼張翬陳世昌輩不堪枚舉其見於

明集禮者僅徐公瑗梁寅劉于周子諒胡行簡劉宗

弼董彝蔡深滕公瑗曾魯十人此外如高季迪送舒

徵士考禮畢歸四明詩云寄語關門吏休輕尚布衣

叔孫聊應詔周黨竟辭歸赤日京塵遠蒼煙海樹微

送君還自歎老卻故山薇微士不能舉其名蓋亦應

詔君還自歎老卻故山薇微士不能舉其名蓋亦應

云誤蒙山舉召秉筆從諸公是仲修亦以考禮徵矣

曾得之以修元史畢留禮局高季迪送徐大年歸嚴

陵序云大年被召與修元史書成以老乞還會審官

議修五禮復奏留之其替又成禮何有不具禮傳送歸是

大年亦以修史留禮局者集禮何有不具禮傳送歸是

大年所修五禮又別自成書歟梁孟敬贈徐大年章序

云吳元年丁未歲寅以召徵至都四方之士翕然雲

集是時置三局一律舊官之陳於憲章者居之二

禮局宿儒之通於古制者居之三誥局俊才之優於

文辭者居之明史云太祖首定天下他務未遑首開

禮樂二局廣徵宿學耆儒分局討究是禮局之外又

有樂局厥後集禮書成未附鍾律雅樂俗樂三事始

為合併耳又謝密庵送朱伯賢考禮序云皇帝混一

初元命中書置翰林太常率諸儒定擬三禮明年再
命集儀禮樂又明年徧徵在野道德文章之士相與
攷定之蓋自吳元年至洪武三年無歲不詔諸儒攷
禮三年九月集禮成特以大章等十人竣事耳大章
爲王子充所薦續修元史力辭其報子充書深明史
法爲世所稱始豐稿十四卷獨缺詩今所錄者皆散
見於他選本者也

訪玘法師宿夕佳樓詩

寓縣俄多難湖山亦被兵名藍俱泯滅別構獨崢嶸翰墨看
前輩登臨愧後生嚴城圍列嶂半檻出澄泓直隸侵檐上纖
蘿附牖縈倚闌雲鳥度極目鏡天平日夕景逾好高思轉
清殘陽樹間歿薄靄水邊橫紫翠霏微合丹鉛點染成茅津
有漁唱麥嶺少人行暝色松門動寒飈竹嶼鳴疏鐘度餘響
遠火露青熒仙梵微微出爐煙裊裊輕山盤堆露實石鼎泛

雲英洗濯塵凡近皈依誓願精行當陪竺士聽法破無明

題徐良夫遂幽軒

臨風一讀遂幽篇鄧尉穹窿在眼前愧我未安三畝宅思君
欲泛五湖船春明載酒穿花隄日暮扶藜看稻田多少長安
軒冕貴枉勞魂夢到林泉

劉承直 二首

承直字宗弼贛州人元進士明初被薦授國子博士

遷司業出爲浙江僉事引疾歸自稱崆峒雪樵

田按詩綜云承直字宗弼以字行考之他書無云承
直以字行者洪武二年召修禮書有劉宗弼疑別
自一人實錄吳元年定國子學官升博士劉承直爲
司業既書其名矣無緣前後互歧復以字行王子充
書宗弼詩後云宗弼善於詩而於選詩尤工蓋出入
鮑謝而闕曹劉之域矣又云君以文學起家以政事

名世蓋本末兼該者惜集不傳

同俞自安泛舟南湖寄龔所立

高秋留別墅亭午泛寒流未結巢由社遠同李郭舟波光迎
日動雲氣挾山浮爲問乘槎客何時賦遠遊

采石蛾眉亭

昔從淮海泛歸舟曾爲蛾眉十日留翠袖雁行歌子夜玉壺
鯨飲醉清秋江山有待仍青眼歲月無情易白頭滿目閒愁
懷李謝數聲漁唱起滄洲

周子諒一首

子諒名愷以字行廬陵人洪武二年徵修禮書書成
授官四年中進士授工部主事

田按子諒詩見劉仔肩雅頌正音纏綿溫麗惜不多傳

白紵歌

井梧墜葉聲如雨
蟬螻夜靜莎雞語
西里佳人怨薄寒
惆悵燈前歌白紵
白紵新時白如霜
象床開合秋水光
製成只恐香塵汚衣著
偏宜九夏涼
西風乍入羅幃裏
數點清塵不禁洗
競開篋笥試新紵
舊服拋捐那復理
嗟爾白紵怨勿深
憐新棄舊他人心
願將貞白永相保
今年卷卻明年好

林弼
八首

弼改名唐臣以禁國號名氏復名弼字元凱龍溪人
元進士漳州路知事洪武初召修禮樂書授吏部主
事使安南還改豐城知縣以事逮至京從獄中上書

詔釋之命爲吏部郎中出爲登州知府有登州集二

十三卷

列朝詩集王禕臨漳雜詩云科名唐進士道學宋先
儒風流今孰繼林子亦其徒注云林子元凱也
田按實錄云元凱登元至正甲午進士第有文詞著
聲閩浙間入國朝與修元史授考功主事而諸書又
云以儒士登春官修禮樂書余考元史前後兩局及
禮書無元凱名續修元史以洪武三年二月局七
月書成纂修祿書以洪武二年八月始事三年九月
書成正如操公琰之不得列名元史魯道原之不得
列名集禮耳宋景濂序元凱使南臺稱其文辭爾雅
吾友王內翰品評閩南人物謂元凱爲巨擘其爲名
輩推重如此

旅感

驅車秣吾馬萬里涉遠道遠道多險艱行子何草草晨征夕
未息川陸漫浩浩行役豺虎區此身不自保明當脫塵羈優

游以終老

用貢泰甫尙書韻贈別吳君濟掾史

東國蒲柳滿江津
杯酒離亭暫別君
春事又隨紅紫老人
每似燕鴻分榕亭
雨過聞鶯語
桑海天青見鶴羣
東府仙人應握手
三山高處望紅雲

西村隱居

西村竹樹靜朝暉
萬事閒來總息機
一夜小溪春雨過
半篙新水白鷗飛
草堂築就費誰寄
彭澤歸來願未違
最憶衡門凝望處
平疇十里豆花肥

和韓南勝

白鹿山前舊草堂
重來吟鬢已成霜
花城衙放雨初歇
竹寺

詩題曰正長水葦作蕩流著滑溪魚釀酢透苞香野人喜見
昇平象桑柘連陰古戰場

臨江

柳外樓臺入翠微水邊簫鼓蕩晴暉樟江雨漲魚新上阜閣
雲生鶴共飛諸老尙留詩卷在此生未逐釣船歸篷窗吟罷
還成醉蜜酒初香玉筍肥

覺初上人還永嘉江心寺

江心古寺金焦如滄波湧出青芙蓉千歲鶴歸作人語九淵
龍起聽梵書山屐重尋謝康樂丹砂試問陶隱居自是初心
得真覺閒身去去隨樵漁

題方壺子墨竹

方壺仙子御風還
雲外珊珊響珮環
吹徹鳳笙山月冷
參差玉管落人間

題畫

白石青蒲春水生
夕陽毛羽照沙明
戲拈畫筆知何處
柳外池塘艇子輕

張翊

二首

翊

一作翼

字翔南建德人徙居嘉興元末舉於鄉明初

徵入禮局告歸有梓宇集

田按竹垞稱翔南所居有巨梓徐一夔爲作記余檢
梁孟敬石門集亦有梓宇記云今天子將卽大位寅
與君同受詔稽古禮文則翔南徵入禮局亦在吳元
年矣

憩景德寺分韻得話字

郭遠樹稍陰野曠秋始屆舟迎浦上迅愠釋林閒快紺園幾
世關斷碑何年壞閣披龍象擁壁翳天人畫良朋蔚胥集僧
衲喜出話談幽貝葉翻襟散袈裟掛池深浮菡萏露晞餘沈
澹石田際秔秔秋風偃蒲稗屢愜清賞延迫此日西邁篇什
志偕遊母云棄菅蒯

題蔣顥畫翎毛

曾向山中倚玉闌瓊葩相映碧琅玕翠禽啼破香雲夢別有
春風釀早寒

陳世昌 一首

世昌字彥博錢塘人元末徵授翰林院編修明初徵
入禮局授太常博士有希言集

田按彥博自號西湖真拙寓嘉興作南湖賦傳誦于時

亂後南湖詩會得地字

寄家攜李城情爲姻交繫時登城上樓吳山望天際去年向
西湖重尋煙水契驚聞兵變起謀閒若天墜舉足不敢前念
之心欲碎兼旬難方解歸舟急偏滯半道聞鄉信十言九不
是踉蹌入郭門閭闔成赤地到家見妻孥喜極返涕淚具言
鄰公衙吏兵掠逾至男女十九人幸免毒鋒刺琴書賴復完
疏狂更容肆翹首見輝光恍惚疑夢寐

孫作二首

作字大雅以字行一字次知江陰人洪武六年召修
日厯書成除翰林院編修以老病乞外授太平府教

授入爲國子助教遷司業有滄螺集六卷

澄江詩選孫次知五言古實近東坡七言律絕氣味淳厚

田按洪武六年召修日歷宋濂詹同爲總裁官樂韶鳳爲修纂官其與纂修者吳伯宗朱右趙壘朱廉徐一夔徐尊生孫作逾年書成凡一百卷濂等又言曰歷祕天府人不得見請仿唐貞觀政要分輯聖政自敬天至制蠻夷凡四十類名曰皇明寶訓宣示天下明人詩派欲就宋元而宗唐人次知取徑蘇黃錄詩至滄螺亦空谷之足音也

謝馬善卿送菜

嘗欣食菜美自謂肉不過今晨齒頰間屢嚙安敢唾持梁囓
肥鮮野敝誰當課使君可憐人異味諳小大我本江南樵酸
寒羹不和空腸轉藜莧糲粟連糠稃雨韭春割苗霜菰秋食
座羊躩釀旨蓄蒲歎雜細剉芋魁掘地底菱首洗泥科木魚

三百頭竹筍一萬箇朝湘出山厨夕煮吹煙銚堆盤青黃見
入口生澁奈以茲媚盤餐頗復如君作採之諒有時蒸或躬
自佐白鹽點葱橙紅椒羅白磨蔗飴質劑調醃醢芳辛破香
飯炊屢熟宿酒醒方餓驚掌推不受醴裙空欲蛻饋案連十
罌飽食深自荷霜根咀寒齏三歎論奇貨米壺奪仙廚適口
騰軒簸四海一東坡拙謫常坎坷參軍半畝菜詩句劇嘲賀
我慙不償一造物知何那抱甕力不任負鋤筋苦墮亦欲賦
歸田自種百畝粳傳君作菜法華茲旋封裏食勤不愧天日
晏從高卧

酬蔣逸人連日觀花之會

照坐金沙箔裏開青春兩度爲花來江粧初見三千指錦繡

重添一萬堆細雨流霞移曲檻東風落日坐平臺深紅淺白
俱情稱醉後題詩記此迴

瞿莊二首

莊字敬孚常熟人洪武初以薦授翰林典簿與修正

韻尋遷禮部員外郎擢福建右參政轉左參政

閩書出甯越門二里曰橫山地西為南臺山崇阜屹
立俯瞰巨潭閩王無諸廟在焉廟循漢制王西坐大
人東坐洪武十年布政使葉茂禱雨有應以閩中書
下禮官議從神故封稱漢閩越王之神右參政瞿莊
為文刻石系以詩曰炎荒之隅閩海濱赫燦照耀光
郁分維王奕葉神禹孫首驅虎豹勸荆榛殿此荒服
保黎民幹旋機軸轉化鈞謳歌來歸赤帝尊鐵騎汗
血趨崑崙倚手扶烈日開冥昏形弓旅矢昭殊勳草
衣被生陽春漸摩風教俗以淳秀民挺拔宣人文甘
棠蔽芾森若雲翼翼遺廟今尚存歲時報祀羅酒樽
手薦蕙鬱香苾芬翕張造化參乾坤神靈赫若搏桑
暎

田按洪武八年二月正韻成凡十六卷纂修者侍講
學士樂韶鳳朱濂待制王俱修撰李叔允編修朱右
趙壘朱廉典簿鄒孟達典籍孫賁答祿與權敬孚與
焉其書大旨斥沈約爲吳音一以中原之韻更正其
失以古來相傳之二百六部併爲七十有六頗爲通
人所譏李賓之云國初願祿爲宮詞有以爲言者朝
廷欲治之及觀其詩集乃用洪武正韻遂釋之時此
書初出亟欲行之故也然終明之世亦鮮有遵之者
敬孚詩頗有風致朱景濂稱其文學蔚茂應制諸作
率皆稱旨

秀野軒圖

高士閒門日日開
遠山如髮水如苔
幾時脫卻塵中鞅
布襪青鞋屢往來

題慧麓秋晴圖

清遊嘗飲惠山泉
客裏披圖思惘然
尙憶信安祠外柳
蕭條猶帶汴隄煙

趙撝謙一首

撝謙名謙一名古則餘姚人洪武初徵修正韻出爲
中都國子監典簿罷歸尋以薦授瓊山教諭有考古

餘事

鄭曉今言趙古則撝謙餘姚人洪武初徵修正韻衆
以謙年少黜爲中都國子監典簿同官論事不直罷
歸築考古臺述六書之旨注聲音文字通及易學提
綱諸書三百餘卷大臣薦召爲瓊山教諭進所著書
不報還瓊山初謙來京宋濂遣子仲珩受業謙歸仲
珩校正韻多用其說謙六書之學最精既沒門人柴
廣敬以聲音文字通進學書者心好之莫得而見也
田按孝陵徵修禮書敕中書省云令天下郡縣舉素
志高潔博通古今練達時宜之士年四十以上者禮
送至京其年過五十未及四十非深知經術者勿遣
撝謙應召時年二十八當事者以議論不合借年少
斥去殆援此制也余謂撝謙厄類賈生遇榮司馬撝
謙後長陵修永樂大典門人柴欽進言其師所擢
聲音文字通當採錄奉命馳傳卽其家取之此何異
月寺記其卷十四

長卿之封禪書也明初之善書者朱孟辨之篆塚趙
搗謙之墨窗最爲韻事董良用題篆塚云華亭朱茂
才好古喜欲顛一場世俗書習篆忘食眠泰望并之
才碧落兼新泉小者案間列大者屋壁懸平生囊櫛
衆多充買碑錢功深學既精齒壯志逾堅池魚染紫
貴鐵硯磨穿摹搨累萬番期差古人肩師法正在
茲什襲比躡筌孫樵文自祭智永筆忍捐嗟峨細林
山雨之瘞其巖聚土封若堂錢石表爲阡寶劍賈胡
發玉柙蔓草纏何如篆塚光夜映列星躔管時敏賦
墨窗云君居於越文獻邦家藏金石書滿窗磨穿青
州老米已萬斛巨鼎疇能扛吳興宗人已物故浙河
東西誰獨步君今有志繼絕學砥柱中流見孤注剡
溪百番冰雪光元霞一斗松煤香滿堂賓客看揮灑
風雨颯颯龍鸞翔他若滕用亨之篆書王止仲作歌
云南陽髯翁學古書雅與奈漢參鑄錄古文奇字盪
胸臆豈若俗工譌魯魚自言初習勝因時玉雪左丞
吾所師荻莖錐沙指畫腹廿年勤苦求妍姿張藻仲
之草書高季迪作歌云昔聞汝祖東吳精醉草聖
醒而驚汝今能飲不滿杓逸氣欲與相峙燎高堂把
筆若把槩長稍一拂悲風生陰垂大澤雷雨過響破
巨峽波濤傾皆書苑佳話也

聲音文字通成賦詩

文字聲音歎久訛十年辛苦事研磨誰云沈約知音甚未許
揚雄識字多魯魚從今堪辨析鼎彝由昔費摩挲總憐朋舊
微鍾子歸卧雲山看薜蘿

張美和一首

美和名九韶以字行清江人元末累舉不仕洪武三
年以薦爲縣學教諭遷國子助教改翰林院編修致
仕歸二十七年徵修書傳會選書成遣還有吾樂山
房稿

田按美和在成均有師法與聶鉉貝璵號爲三助洪
武二十七年帝觀蔡氏書傳論象緯運行與朱子詩
傳不合其他注與鄧陽鄉季友所論有未安者徵天
下名儒訂正之兵部尚書唐鐸等舉美和等二十七

人帝造行人馳傳徵至特命學士劉三吾總其事余
考實錄所紀與美和同徵者國子監博士致仕錢宰
助教致仕何原銘傅子裕周惟善訓導唐秉周寬趙信
俞友仁何原銘傅子裕周惟善訓導唐秉周寬趙信
洪初萬鈞王賓謝子方吳子恭儒士解震生熊釗揭
軌蕭尚仁蕭子尚王允昇張文翰張思哲宋麟竹垞
經義考謂當時修書者尚有許觀景清盧原質戴德
彝皆以死建文之難刪去然考今所傳書傳會選舊
本尚有胡季安門克新王俊華等十一人而無斯權
吳子恭宋麟三人豈實錄所紀但據始事時所徵其
後或去或增互有不同耶有明一代官書以此書為
最善顧亭林日知錄亟稱之

歸隱

歸來江上看青山種柳成陰漸可攀
舊夢任隨流水去此身相伴白雲閒
錦囊書帙收千卷金井丹砂貯九還
留得玉堂揮翰手賸題佳句落人間

錢宰 三首

宰字子子一字伯均會稽人元進士洪武二年徵修

禮樂書授國子助教十年加博士致仕二十七年徵

修書傳會選書成遣還有臨安集六卷

四庫總目錢宰詩吐辭清拔寓意高遠刻意古調不屑

田按子子仕履各家紀載多有錯誤列朝詩集踏駁

尤甚實錄洪武六年三月以儒士錢宰為國子助教

是年命建歷代帝王廟則子子撰帝王廟樂章當在

此時牧齋敘次于修書傳之後誤一實錄十年三月

國子助教學錢宰以年老乞致仕上敕云助教錢宰學

問老成訓導有方在學數年俾有成就云助教錢宰

辭還鄉特授翰林郎國子博士賜敕遣歸誤二修書傳時

七年召校書翰林郎國子博士賜敕遣歸誤二修書傳時

江東諸門酒樓成賜百官鈔宴其上宰等賦詩以獻

帝大悅遣禮部尚書任亨察諭諸儒年耄思歸者遣

之宰年最高請留而牧齋云公嘗口占絕句云四鼓

薺薺起著衣午門朝見尚嫌遲何時得遂田園樂睡

到人間飯熟時明日文章華譙畢上面諭曰昨日好詩

朕為嫌汝何不敢發字又曰朕今放汝去好放心

明倫彙編 家範典 卷一百一十四
睡熟矣公率諸老人拜謝皆遣還此詩當賦於官助
教之時而敘次於修書傳之後必無去留聽便之人
忽賦思歸之句自相抵牾誤三
集中金陵形勝論末署洪武二十七年六月國子博
士致仕錢宰進九月書成六月已先署博士此尤早
加博士之確證又云是致仕即在奉召之年修書遣
歸非致仕也亦小有誤偶不檢耳子詩如畫家淺
絳法雖亦著色不沒骨幹

遊西山

西山一何高有懷在泉石蕩舟渡西冷秋水今幾尺渚花泊
孤橈岸草納雙屐涼風樹上至林影下衣碧羣動方自營塵
機念俱息邂逅方外人招邀坐深席悠然外死生矧復慨今
昔我客語正深僕夫勸還役川明月初至樹暝山已夕歸人
樵唱來落日墮西壁

題崔彥輝雲林小隱

晉上平林半是雲索居別墅樂閒身蘋花落日江南唱楊柳
滄灣若下春隔岸青山迤邐盡當門綠樹接比鄰外家第宅
相過近內翰風流世有人

畫魚

綠波春水沒漁家楊柳青青拂釣槎三月江南春雨歇一雙
鱸鮓上桃花

揭軌 六首

軌字孟同臨川人洪武初以明經除清河主簿遷知
縣秩滿歸復召主江西鄉試校定書傳會選書成賜
金歸有新河集

田按孟同詩以律體見長可肩隨甘彥初明初臨川
宗派如此洪武二十七年召定書傳會選賜宴酒樓
月寺記其卷十四

諸儒獻詩惟孟同詩獨傳

題孫氏遺墨軒

宣文學士吾季父草書往往追懷素玉堂多暇日臨池方駕
長沙美無度聞道尊公居豫章亦以能書相頡頏錦囊長紙
霜玉潔清醉時時臨數行山陰別後驚捐館零落狸毫并象
管白鵝池冷綠苔深銅雀硯寒清露滿吾廬兵後住江村玉
堂佳帖無一存卻憶君家文獻在香奩犀軸付諸昆

題大長公主林館

主家林館御溝西楊柳扶疎映舞衣玉沼萍開魚上躍繡簾
花妥燕低飛微風翠輦宮中去淡月霓旌苑外歸四海昇平
當此日萬年行樂莫相違

賦得浙江亭送張別駕

銅柱煙銷百粵通故人千里入閩中將軍幙府求高適使者
書詞請石洪野館別時楊柳綠綵毫吟處荔枝紅丈夫許與
誰知己須佐雲臺第一功

秋思

綺窗紅燭淡秋光鳳帳流蘇減夕香機杼隔花閒翠戶軋軋
臨水凍銀床秋風紫塞響千里夜月清砧淚數行望斷金鞍
秋又杪芙蓉零落玉池霜

宴南市樓

帝城歌舞樂繁華四海清平正一家龍虎關河環錦繡鳳凰
樓閣麗煙花金錢錫宴恩榮異玉殿傳宣禮數加冠蓋登臨

皆善賦歌詞只許仲宣誇

詔出金錢送酒壚綺樓勝會集文儒江頭魚藻新開宴苑外
驚花又賜酺趙女酒翻歌扇溼燕姬香襲舞裙紆綉筵莫道
知音少司馬能琴絕代無

姜南蓉塘詩話國初於金陵聚寶門外建輕煙淡粉
梅妍柳翠十四樓以聚四方賓客觀揭孟同詩可知
國初搢紳宴集皆用官妓與唐宋不異後始有禁耳
承樂中晏鐸金陵元夕詩花月春風十四樓今諸樓
皆廢南市樓尚存
周暉金陵續瑣事太祖造十六樓待四方之商賈士
大夫用官妓無禁宣德二年大中丞顧公佐始奏革
之國初知縣揭無公執有宴南市樓詩當時之盛可知
矣今此樓雖存不過屠沽市兒之遊樂而已
靜志居詩話永樂中蜀人晏振之金陵春夕詩云花
月春江十四樓十四樓者來賓重譯清江石城鶴鳴
醉仙樂民集賢詠歌鼓腹輕煙淡粉梅妍柳翠也姜
明叔蓉塘詩話謂皆在聚寶門矣周吉父撰金陵瑣事謂
城爲名必不皆在聚寶門矣

有十六樓在城內者曰南市曰北市在聚寶門外之
西者曰集賢曰樂民在西關中街北者曰鶴鳴在西關
中街南者曰醉仙在西關南街者曰輕煙曰淡粉在
西關北街在清涼門外者曰梅妍在石城門外者曰
日謳歌在清涼門外者曰梅妍在石城門外者曰
用脩藝林伐山遺南市北市陳魯南金陵世紀詳楊
江石城因曲就十樓之目而謾也相傳定正蔡清傳
書成宴編蔡諸臣於醉仙樓上然曰宴南詩云詔出
金錢送酒壚綺樓高會集文儒題曰宴南詩云詔出
醉仙明矣實錄洪武二十七年八月庚寅新建築京
酒樓成先是上以海內太平思欲與民偕樂乃命工
部作十樓於江東諸門之外令民設酒肆以接四方
賓旅既又增作五樓至是皆成賜百官鈔宴於醉仙
樓是月癸丑定正禁傳書成賜百官鈔宴於醉仙
還書成賜宴者南樓也蓋酒樓本十六其一北樓
以書成賜宴者南樓也蓋酒樓本十六其一北樓
樓建後被焚此實錄止言增建五樓也當日諸樓皆
有官妓不獨輕煙淡粉梅妍柳翠為然故李公泰叔
通集句詩於北市則云極日亂紅妝於集賢則云妙
舞向春風於清江則云時囀邊雲聲於鼓腹則云舞
破日向初斜於石城則云翠袖拂塵埃於來賓則云
煙

花象外幽於鶴鳴則云白日移歌袖而孟同詩云詩
錦繡鳳皇樓閣麗煙花又云趙女酒翻歌扇溼燕姬
香襲舞裙紆追憶承平都會之盛君臣相遇之隆亦
一段佳話也